

Tierce Conference regionâl di verifiche e di propueste pe lenghe furlane

I Consei regionâl dal Friûl - Vignesie Julie e la ARLeF, in atuazion de Leç regionâl 29/2007 (Normis pe tutele, valorizazion e promozion de lenghe furlane), a organizin la tierce Conference di verifiche e di propueste pe lenghe furlane, che si davuelzarà vinars ai 5 di Novembar dal 2021, a Udin, tal Auditorium de Regjon "A. Comelli" (in vie Sabbadini, 31), des 14.00 aes 19.00.

La Conference e à il compit di valutâ lis ativitâts di tutele e di promozion fatis intai ultins cinc agns e di proponi gnovis azions utilis pal disvilup de lenghe furlane e pe plene aplicazion de leç, intai diviers setôrs di interès.

Te suaze de Conference, al sarà presentât il gnûf **Plan di Politiche Linguistiche 2021 - 2025** dutun cu lis strategiis futuris pal disvilup de lenghe furlane, cun particulâr riferiment ai setôrs: Corpus de lenghe, amministrazion publiche, istruzion, gnovis tecnologjiis, mass media e promozion sociâl.



**CONFERENCE REGIONÂL
SU LA LENGHE FURLANE**
AI 5 DI NOVEMBAR DAL 2021

Lis relazions a son curadis di esperts di ognidun dai setôrs.

Ogni citadin al è invitat a intervignî in maniere ative aes voris. Si pues duncje mandâ i propriis contribûts scrits - che a sedin analisis o propuestis concretis - sui temis de Conference, che si trataran tal orari dedicât ae discussion in program dopo des relazions.

I contribûts si àn di inviâ dentri dai **31 di Otubar dal 2021**,

dome par e-mail a conference@sportelfurlan.eu, scrivint a clâr ancje il propri Non / Cognon / direzion e-mail / numar di telefon / eventuâl ent di partignince. Lis lenghis di vore de conference a

son il furlan e il talian.

E je a disposizion la traduzion simultanie dal furlan al talian.

La partecipazion **in presence** e je permetude intal rispiet de normative su la prevenzion de difusion dal virus Covid-19. Si pues partecipâ sore nuie e fin che a son puescj disponibii.

Il tiermin pe iscrizion al è **miercus ai 3 di Novembar dal 2021**.

Il program complet de Conference e lis modalitâts di iscrizion a son a disposizion sul sit **www.arlef.it**

Si podarà stâ daûr aes voris de Conference ancje **in streaming**: su la pagine Facebook e sul canâl Youtube de ARLeF o su la pagine Facebook dal Consei Regionâl.

Ancje i Eschimês a fevelin par furlan cun "Horaci l'Inuit"

"Horaci l'Inuit", serie catalane za voltade par spagnûl e par inglês, e cumò ancje par furlan graciis ae ARLeF (su licenze di Videoplugger Ltd.), e je la grande e biele novitât de seste stagjon di Maman!, la trasmission televisive in lenghe furlane pai plui piçui, coprodusude de ARLeF - Agenzie Regjonâl pe Lenghe Furlane e di Telefriuli.

Il carton al è pai fruts dai 3 ai 6 agns, ma lis aventuris di Horaci e Sedna - doi piçui Eschimês che a cirin di difindi il lôr ecosisteme unic, plen di ors polârs, igloos, kayaks e siamans - a savaran dal sigûr cjapâ dentri ancje i fruts plui grançj. La prime serie e à 35 pontadis, che inte version furlane a son stadis curadis di Delta Studios e CSS Teatri stabil di inovazion dal FVJ, sot de direzion de dopleadure di Rita Maffei, che e à rimarcât: «Ce che plui mi à restât di cheste esperience al è che o vin creât, ancje in graciis de consulente de ARLeF

Il gnûf carton animât de ARLeF al insiore la trasmission TV "Maman!"

e dal Sportel regionâl pe lenghe furlane, un grup di lavôr straordenari. La lenghe furlane e à funzionât benon e i atôrs a àn rivât a dâ lis vôs justis a chei personaçs tant simpatics. Preziôs dopo l'adatament di Barbara Bregant e la postproduzion di Vittorio Vella».

Grande sodisfazion ancje par Emanuele Galloni, aminstradôr di Videoplugger: «Horaci l'Inuit par furlan al è un sucês par ducj: pe produzion, pai autôrs, pal regiist e pe nestre aziende, che e je simpri stade sensibile aes produzioni in lenghe minoritarie tant che cheste, realizade de radiotelevision publiche de Catalogne» "Horaci" no je la uniche novitât de gnove edizion di Maman!: a son gnovis ancje lis rubrichis "Il moment de poesie" e "La cusine Bete". Cheste ultime e je la ecentriche



e colorade "cusine" di Daria Miani (alias simpri Daria), confermade ae conduzion e acompagnade di Vigji, il so gijatut fedêl. Ma Bete e je ancje une apassionade di videotutorials e e interven par insegnâ ai fruts une vore di robis. In ogni pontade, dopo, nol mancje il spazi par altris cartons animâts e pes videocjançons di "Vosutis te sachete" (un progjet de Associazion musicâl Bertrando di Aquileia) e "Sacheburache" (un progjet Belka Media). No puedin mançjà infin lis rubrichis "La pueste di Maman!", "Lein insiem", "Un pâr di barzaletis" e "Fasin un zûc".

Apontament duncje ducj i vinars aes 18.30 fin in Jugn, e, in repliche, di domenie aes 7 e aes 13.